

# Onna clière su la dzahire

Autor(en): **Gédéon des Amburnex / Vautier, Eugène**

Objektyp: **Article**

Zeitschrift: **Le nouveau conteur vaudois et romand**

Band (Jahr): **77 (1950)**

Heft 11

PDF erstellt am: **06.08.2024**

Persistenter Link: <https://doi.org/10.5169/seals-227428>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



### Onna cllière su la dzahire

Dein on veladzo pè lo bas dau Mont de Tzardèvaz, lo menistro et lo syndiquo étant bin tant mau apliyi qu'eintremi lau l'ètai ti lè dzor la bargagne. Quan ion tirâve à ichto, cein ne manquâve pas que l'autro sè vèrive à otta. Adi, pertot, l'ètai dau mîmo. N'ètai pa l'einbarra po se tsertsi dè niaise, du que lo syndiquo étai dau conset de perrotse et de la coumechon d'ècoula, que lo ministre en étai présidein. Dinse on pouâve einmodâ tse ceagne apri tscagne. Sè tzouïvan tsauion de n'èin pas manquâ iena.

Adon, dein sti veladzo fallyai rateni lo môthi. Cein n'ètai, pardi ! ren d'orgouet. Fasai mau bin de vaire cllau mourahlè tote mossiausè, cllau bantzette qu'on n'y poâve cheta que la maîti daa petairu. Dè fenitrè, pourro z'ami ! Ein pplein midzor dein lo môthi l'ètai quasu la né.

L'an décrèta de d'oûtâ lè villhè cllière à oûlio, du que ballyvan mè de son<sup>1</sup> que de dzor, et de bêta de cllau novallè cllière que lau diant élètrique. L'an fè patze avoué onna *Sociètâ* que pouâve cein fère, et lo Direteu l'au z'a de :

— On va vo z'einvoyi on ovrai bin suti. Vo saré prau contein.

L'è bon. Onna vouarba de tein apri, lo syndiquo, ein craisein dêvan la môthi, sè chondzive d'allâ vaire quemein l'élètricien menâve s'n'afère, et l'a tot trovâ bin adrai. Rin qu'à verî ou tracllet, l'ètai quem'on ein ludzo : tote lè cllière épeluavan, qu'on arai de na reintze de sèlau.

Lo syndiquo sè panâve lè man :

— Ora, on è de Berne !

— Oï, que rebrique l'ovrai, mâ fau oncore ein bêta iena su la dzahire.

— Su la dzahire ? Et porquiet ?

— De bî savai que lo mensitre paô pa resta à Noviyon. Mêmameint s'è recommandâ po ein avâ iena de sorta.

— Rin dou tot ! Le menistre n'a pas fauta de cllière. On sâ que l'è payi po recordâ son pridzo, n'a pa no po tsantâ lè chômo !

Mâ lo menistre, que n'ètai pas tot fou, l'è bin z'u allâ aô préfet :

— Recordâ lo pridzo, va que sai de, mâ pu pa recordâ tota la Biblla, fau la cllière, et lè mandemein assebin. Pa de nani, me fau ma cllière !

Dinse, l'a z'u va tot parâi. Se l'ètai prau conteint d'y vaire, l'ètai oncore mé d'avâ einortsi lo syndiquo que. po sti yadzo, l'è li qu'a dû hotzi, ein atteindein de sè reveindzi.

Mafai, tot cein n'ètai rein tant bon po la perrotse, mâ qu'y paô-t-on ? Lè menistre sau pa trèti bonnâ tant qu'à fère dè z'andzo ne ti lè syndiquo po bêta on tsarmo<sup>2</sup> à lau tsapi.

*Gédéon des Amburnex.*

<sup>1</sup> Odeur.

<sup>2</sup> Une auréole.

### Portié no chouffron dou chè chefi tzaufun

Chu j'au à la faire dou premi Mai eun Dzéchenai et y dè lè qu'on m'â fai hâ prédichion.

Ethez à bairè on verro avoi kautiès zamis dau Chimenthal, lun je na yion quâ de que lo maître ramoneu éthai moir eun paneint ouna boirna, oun autre l'a de que lo taupi éthai moir ein fajeint lā veria à chè trappés, n'un vaika enkora y ion que vint no derè que lo comptablo du Palace de Gstaad éthai moir den lo trun eun venient dès Zweijemme. Ke n'affère tot parai trè dè moir chubitement lo mîmo